



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**De Verbo Dei Libri Tres**

**Helm, Heinrich**

**Coloniae, 1560**

**VD16 H 1736**

Verbum Dei in memoria est custodiendum. Caput XLVIII.

**urn:nbn:de:hbz:466:1-30114**

ex medicis, nihil consolationis, sed semper peius habuit.

Verbum Dei in memoria est custodiendum.

Caput XLVIII.

**A** Tertiò, custodiendum est verbum Dei in memoria, per ruminatem, rememorationem, & collationem. Nisi enim verbum domini in memoria seruatum fuerit, & animalium mundorum instar, ruminatum, per re-cordationem, perit tota eius dulcedo, in momento auditionis. Hoc fecit, qui dixit: In corde meo abscondi eloquia tua, ut non peccem tibi. Hoc fecit mater agni qui tulit peccata mundi, conseruabat omnia verba quae audiuit de filio suo primogenito, & cōtulit ea in corde suo, Luc. 2. Sic vir secundū cor Dei, in iustificationibus domini, semper meditabatur. Psal. 1. & 118. Sic iustus ea quae Deus præcepit, semper cogitat, Eccī 3. Sic mulier innupta & virgo cogitat q̄ dñi sunt, ut sit sancta corpore & spiritu. Cor. 7. Verbum Dei gladius est spiritus sancti, quo nos cōtra hostes nostros defendere debemus. Hostes nostri, caro mundus & dæmonia sunt, qui nos die ac nocte impungnant, ut coronam gloriae, eis consentiendo & voluntatem eorum faciendo, nobis eripiant. Vnde ex quo iugis nobis cum tantis hostibus colluctatio est & certamē pro cælestibus, ideo gladio isto sancto nos super femur nostrum fortissimē, ac potentissimē debemus accingere, & semper esse parati: ut cum repente irruunt, possimus in die malo eis resistere, & in omnibus perfetti stare aduersus insidias eorum, & irruptiones. Hoc facimus, dum verbum Dei, gladium spiritus sancti, semper in memoria, quasi in vagina circumferimus. In æternum non obliuiscendo iustificationes & verba Dei, quia in ipsis iuificat nos, hoc est, in vita gratia conseruat, dum illud opere implemus. Vel si scelerata de-

Psal. 118.

Sap. 1.

& 16.

Ezec. 18.

verbis Dei rememoratis, à morte culpæ excitamur: Quia Ioan. 5.  
spiritus & vita sunt. Sic mortui in peccatis et diliictis suis,  
audientes vocem filij Dei, viuunt et exurgunt à mortuis, Ephe. 5.  
et illuminantur à Christo.

*In memoria, quomodo uerbum Dei debet seruari.*

Caput XLIX.

**V**T igitur obsessi in gyro ab hostib⁹, necesse est, gla: A  
dio semper esse accinctos: sic circūdati ab hostibus Neem. 4.  
omni tempore oportet verbū Dei semper habere in memo-  
ria, quasi in vagina gladiū, vel in manibus per operationē.  
Sicut, manna in vrna aurea: Sicut semen benedictū, in bo-  
ro cordis agro, Sic thesaurum cœlestē, in cista vel arca: Si-  
cuit vinum optimum in vase: Sicut mel in alueario. Ut non Iacob. 1.  
simus auditores verbi tantū, sicut Iudas & pharisæi, fal-  
lendo nosmetipſos, sed factores, sicut alij apostoli, & tunc  
beati in facto nostro sumus. Hoc verò facimus, si exemplo  
Chri, cū tentamur à gula, diabolo resistimus in fide & nul-  
lum ei locū damus, sed gladio isto eū repellimus & trium-  
phamus dicendo: Non in solo pane viuit homo: Et vœ vo-  
bis qui saturati estis. Beati verò, qui esuritis nunc & siti-  
tis: & curam carnis in desiderijs non facitis. Si diabolo  
hoc modo resistimus, fugit à nobis.

Si de superbia nos impugnat, gladio isto repellendus  
est & dicendū: Odibilis coram Deo & hominibus super- Eccī 10.  
bia. Et contra: Qui se humiliat exaltabitur. Vade igitur Sa  
tana: ego vilior iam plus quā factus sum, & ero humiliis in Luc. 14.  
oculis meis. Si de inuidia nos molestat, dilectionis Chri- 1. Reg. 6.  
sti nouo mandato superandus est, & dicendum: In hoc  
cognosci debemus quod Christi sumus discipuli, si dile- Ioan. 13.  
ctionem habemus ad inuicem: Imò, qui odit fratrem suū, 1. Ioan. 3.  
sui ipsius homicida est, nec diligit Deum. Si quis verò non  
amat dominum Iesum Christum, anathema est, mara- 1. Cor. 16.  
natha,